

DE
CUSTODIBVS
SEPVLCRORVM
APVD ROMANOS
COMMENTATIO.



AVCTORE
LVDOVICO GVILIELMO IVNIO.



LIPSIÆ
EX OFFICINA LANGENHEMIANA

1872

THE NEW YORK PUBLIC LIBRARY
ASTOR LENOX TILDEN FOUNDATION

119 N. 5TH ST. N. Y. C.

1872

1872

1872

1872

1872

V I R O
MAXIME REVERENDO EXCELLENTISSIMO
CELEBERRIMOQVE
D O M I N O
M. CHRISTIANO Gottlob
EICHLERO

S. S. THEOL. BACCAL. ET AD AEDDEM D. NICOLAI
DIACONO

PATRONO AC FAVORI
PIE COLENDO

HANC

DE SEPULCRORVM APVD ROMANOS CVSTODIBVS
COMMENTATIONEM


D. D. D.

SIMVLQVE

LICENTIATVS IN THEOLOGIA HONORES

FAVSTOS ESSE IVBET

LVDOVICVS GVILIELMVS IVNIVS.



V I R

MAXIME REVERENDE ET CELEBERRIME.

*S*i mihi vaserrimorum quorundam hominum mos ac consuetudo placeret, iam ad TVAE secundioris fortunae vultum meam quoque frontem effingerem, de TVA ipse impensius gloriarer felicitate, denique omnia verborum sectans lenocinia, TVVM blanditiis expugnare animum adlaborarem. Ego vero qui naturali quodam illud profanum vulgus instinctu odi, aurae popularis arbitrio nunquam virtutem aut ponere, aut sumere secures solere, cum probe sciam, eam sol-

lemnem mihi veluti indixi legem, ut, licet nunquam
virtutem odio prosequerer incolumem; ipse tamen
fictas aliorum laudes decantare, opus multo iudica-
rem periculosissimum. At iam verendum mihi non
est, ut certae illius ac definitae legis fines transcen-
dam. Enimuero cum tertio abbinc anno **TECVM**
arctiori vinculo me, meosque omnes bona sociaret
fortuna, fieri non potuit, quin statim virtutes ac
eruditionem, quam in **TE** eminere ac elucere vide-
bam; admirarer, simulque sollemne illud **TVVM**
seruarem exemplum, quo mihi ad euebendam in dies
doctrinam, moresque nitidius formandos, nullum
aptius luculentiusue, non sine vano augurio, vide-
batur. Habet hoc omnino praestans et excellens
virtus, ut, statim atque innotuerit, animos quoque
sibi conciliet, et licet nullis utatur illecebris, natu-
rali tamen et veluti nativa adluciat pulcritudine.
Sive enim insignem illam **TVAM, VIR MAXI-
ME REVERENDE**, rerum diuinarum ac bu-

manarum scientiam cogitem, siue pietatem intuear,
omnibus actionibus religionis auspicio initiantem,
semper mihi aliquid deprehendisse in iis videor, quod,
si non viuis depingere coloribus, saltem ut plerisque
mos est, adumbrare possim. - At enim vero magnitu-
dinem animi TVAM cum nouerim, quae nihil ad
ostentationem, omnia ad conscientiam refert, vehe-
menter profecto errarem, si orationem de TVIS
laudibus differentem, TIBI gratam fore, augura-
rer. Equidem noui in Theologia honores faustis
ad TE delati omnibus, tantam TIBI famam et
gloriam parant, ut laudibus TVIS tanquam gem-
mis quibusdam distinguere velle epistolam, superua-
caneum mihi videatur. Quare nunc potius hac TVA
felicitate laetabor, et quemadmodum plures sollemnem
illam bene precandi formulam: Feliciter! TIBI
adclamaturos esse, pulcre praeuideo: ita quoque no-
uos, quos adeptus es honores, bona TIBIQVE
dedita mente congratulabor. Nihil enim solet esse

iucundius, quam laborum promerita tandem mercede
frui, et quibus TE dignum videas, honores obti-
nere. Quae cum TIBI, VIR CELEBER-
RIME, hodie contingat fortuna, non possum non
animum TIBI ad laetitiam compositum demonstra-
re, simulque adfectum meum quodam veluti spondere
pignore. Et haec causa sola me impulit, ut hanc de
sepulcrorum apud Romanos custodibus commentatio-
nem, impositum fortasse opusculum, sed religionis
tamen in TE meae documentum, nomini TVO in-
scriberem et consecrarem. Accipies ergo, quas
TIBI sacras esse iubeo paginas, et si nulla delecta-
tione animum TVVM demulcere possint, esse suam
studii quoque infantiam, cogitabis. TE vero, de-
liciae meae, sanctioris ciuitatis emolumento, voto
bonorum omnium, meo denique desiderio, numen
optimum maximum diutissime seruet ac tueatur.
Vale. Scribebam Lipsiae d. XVIII. Septembr.
M DCC XLIV.



D E
C V S T O D I B V S
SEPVLCRORVM APVD ROMANOS
C O M M E N T A T I O .

§. I.
P R O O E M I V M .



um plurimis in rebus vetustissimorum populorum dis-
sidentes inter se et discordantes reperiamus animos:
tum in hoc maxime, quod omnes de morte, et iis,
quae post mortem futura sunt, singularem sibi in-
duerint opinionem. Quamuis enim illud institum
erat priscais, quos caecos adpellare consuevit ENNIUS, esse in
morte sensum, neque discessu vitae sic deleri hominem, ut fun-
ditus interiret: ^{a)} multi tamen erant, quibus doctissimorum illa
hominum opinio acute potius, quam vere excogitata, ^{b)} quin
immo ipsa, qua fruimur vita, mors videretur ^{c)}. Quae cum ita
fuerint,

^{a)} vid. CICERO. L. I. Tuscul. Quaest. C. XII.

^{b)} Ita potissimum sentiebant EPI-
CVRI sectatores, cum ipse EPICV-
RVS mentis immortalitatem e philo-
sophia sua proscripserat. Inde LV-
CRETIVS metum luctumque in mor-
te suauiter ridet L. III. de rerum nat. v.

907. sqq. p. 88. 89. ed. TAN. FABRI,
quae CANTABRIGIAE 1686. in 8.
prodiit.

^{c)} Quae non mirandum, iam olim
EVRIPIDEM dixisse.

Tis ὁ αἶδας ἐν τῷ ἔργῳ μὴ ἴδωι καρδανίης
Τὴν καρδανίην δὲ, ἢ τὴν ψυχὴν μὴ ἴδωι
et alio in loco:

fuissent, facile sibi quisque persuadebit, ut alios, adueniente mortis die, lugubri fata sua deplorasse querela credat; alios contra ea nunquam tristem fortunae vicem gementes, cum cantu atque voluptate, tanquam in domum politiore nitidioremque migrarent, e vita fuisse egressos. Quemadmodum vero sententias antiquissimarum gentium dissociatas nouimus; ita quoque inde varias in sepultura caerimonias et dimanasse et in dies latius serpsisse, neminem, nisi diem omni dixerit vetustati, ignorare arbitramur ^d). Disertus esse possem, si de iis dicere vellem. At enim vero omnes sepulturae ritus, ut quidem multi fecere, nec enumerare, nec enodare in animo est. Ego contra priscam illam mente atque cogitatione Romanorum urbem repetam, qua nullam vnquam rempublicam nec maiorem fuisse, TITVS LIVIVS ^e) scribit, nec sanctiorem, nec bonis exemplis ditio- rem. At mihi haec consideranti, nihil semper praeclarius in omni gente Romana, more illo antiquo, et ab omnibus fere recepto, fuit visum, quo scilicet per monumenta, seu viuis, seu mortuis, publice priuatimue posita, bonorum ciuium memoriam sanctam atque perpetuam esse voluerunt. Quodsi haec modo contemplari voluerimus, veteres urbis Romae ciues ambitiosos veluti in malis fuisse, reperiemus. Enim vero monumenta, quibus viae Romam circumiacentes agri et horti superbiebant cum cernimus, titulos lapidibus

Εχρη γὰρ ἡμᾶς οὐκ ὀλίγοι παύρις
Τοις θύοντα θρηνηῖν, ἐν δὲ ἔρχεται κακὴ.
Τοὶ δ' ἀνδρόντα, καὶ κακῶν παύρις,
Χαίροντας, ἐμφανέας, ἐκίμηνον θύοντα.
Adde SEXT. EMPIRICVM L.III. c. XXIV. qui ὅτε ἡμᾶς ἀπαθήσομεν, τὰς ψυχὰς ἀνδρῶν καὶ θῆ ζῆν αὐτῶν. MACROB. in form. Scip. L.I. c. II. CICERON. Tuscul. Qu. L.I. c. XXXI. et XLIX. et denique BAYLIUM Dictionaire Historique et Critique voce CRANTOR lit. D. p. 930. Tom. I. et in voce OVIDE lit. H. pag. 2143. Tom. III. edit. ROTTEROD.

d) Hinc diuersam apud diuersos sepulturae rituum rationem inuenimus. Illi, qui in morte hominem extinguere negabant, splendide inter se defunctos sepeliebant; cum contra alij mortuos

obscuro loco negligenter abicerent. Totam rem eleganter explicuere CICERO Tuscul. Qu. L. I. cap. XLV. et ALEXANDER AB ALEXANDRO genial. diet. L. III. c. II. Tom. I. pag. 548 lqq. ed. LVGD. BAT. De Thracibus refert HEKODOTVS in TERPSICHORE, pag. 288. ed. GRONOV.

Τοὶ μὲν γινώσκοντες περὶ θάνατον οὐκ ὀλίγοις ὀλοφύρονται, ὅσα μὲν δὴ, ἐπὶ τε ἡλικίᾳ, ἀκαλῶς κακῶ, ἀπογινώσκοντες τὰ ἀδρανῆς πάντα πᾶσαι. Τοὶ δὲ ἀπογινώσκοντες παύρις, οἱ τε καὶ ἰδίᾳ, καὶ καλῶς, ἐκίμηνον θύοντα. ὅσοι κακῶ ἔκπαλα θύοντες; ὅσοι καὶ ἰδίᾳ θύοντες. Adde LVCIANI de lusu lib. pag. 307. opp. Tom. II. edit. GRAEV.

e) LIVIVS statim in praefat. op.

SEPULCRORVM APVD ROMANOS.

lapidibus diis manibus dicatis incisos cum legimus, annuam pie defunctorum memoriam renouantes Quirites, ipsos denique custodes sepulcris adpositos cum videmus, possumusne dubitare, quin Romani eas demum felices iudicarent horas, quibus et pristini temporis reminisci poterant acerbitatem et mortuorum memoriam omni aere ac marmore reddere perenniores. Equidem non ignoro, multos, eosque doctissimos viros curam monumentorum perquam eleganter depinxisse; sed nescio, qui factum fuerit, ut omnes fere de custodibus, sepulcrorum geniis quibusdam tutelaribus breuissime exposuerint. Quare si modo has res efficere possumus illustriores, paullo studiosius morem sepulcra custodibus muniendi indagabimus. Sed ut quam plurimos facere vidimus, qui, cum aliquid sua industria polire student, rei, quae ad eam pertinere videntur, praemittunt: sic nobis placet, veterum sepulcrorum religionem, ornatum atque situm primum delineare; de ipsis vero sepulcrorum custodibus postea luculentius enodatusque disserere.

§. II.

DE SEPULCRORVM APVD ROMANOS RELIGIONE ET SANCTITATE.

Sepulcrorum inter Romanos religionem explanaturi eo breuius in ea exponenda versabimur, quo vastiores a doctissimis viris editos esse nouimus commentarios, quibus monumentorum sanctitatem multis iisque exquisitis rationibus confirmauere. Equidem non dubito, fore plerosque, quibus, sepulcra sacra, vel sancta si vocare velis, omnino displicere videaris. Sed hi erunt fere, qui omnes in verbis sectantes aucupantesque quisquillas ipsos his vocibus Romanos promiscue fuisse vsos, data veluti opera ignorant. Scilicet paucos tam cruda ad antiquorum rituum indagationem adferre studia arbitror, ut ne PLINIO^f) CA-

f) Vide PLINIUM histor. nat. LIII. c. LXIII. p. 71. ed. GRONOV. Terra hio, inquit, et reliqua natura nos abdicatos, ut mater operit, nullo magis sacramento, quam quo nos quoque SACROS facit. Adde DALECHAMPEII notam ad loc. PLIN. cit. et COE-

A 2. TULLIO RHODIGIN. L. A. LXIX. c. XIX. p. 792. ed. WEGH. Inde PLUTARCHVS mortuos in vita Numas deos vocat, quoniam eorum sacra sunt sepulcra. A LYCOPHRONE *sepulcrum* dicitur *sepulcrum*.

TVLLO^{g)} CICERONE^{h)} et QVINCTILIANOⁱ⁾, qui scriptores omnes, si quoque caerimoniarum rituumque in illis demas copiam, naturali quadam adliciunt pulcritudine, sepulcra olim sacra fuisse dicta, edocti sciunt. Iam si porro inscriptiones ac monumenta veterum ipsam scribendi modo ac ratione vetustatem superantia, ad causam meam orandam adferre mihi mens esset, quam late, obsecro, sermo non possit exspatiari, cui tamen finem terminumque in his rebus constituere didici. Ne vero invidia disputationibus de verbis solum institutis veluti propria, labefacteret oratio, reapse quoque mortuorum apud Romanos domicilia sacra sanctaque fuisse probare adnitar. Quod si enim illud sanctum atque sacrum esse censetur, quod ne quis violat, lege cautum atque capite sancitum est: nemo profecto erit, qui sepulcris, quorum violationem capite plectere solebant veteres, religionem sanctitatemque denegare velit^{k)}. At enim vero quo sepulcrorum sanctitudinem augustiorem efficerent Romani, non solum ipse, quo cadauer sepultum conditumque erat locus, sed certum simul, quod mireris, spatium septo plerumque cinctum religione occupari credebatur^{l)}. Quare dissolutos furum aliorumque nequitiorum hominum mores non melius compesci posse, veteribus erat persuasum, quam si quidquid opum pecuniaeque haberent, in iis absconderent, et clausum veluti in arca Iovem sepulcris inexpressibili religione sancitis, PLAVTO^{m)} et TERENCEⁿ⁾ testibus, adfociarent. Quin immo ne quosdam post obitum

g) Vide sis CATVLLVM epigr. VII. pag. 14. ed. GRAEV.

h) CICERO Philipp. IX. cap. VI. et I. IV. de rep. vt quidem refert NON. MARCELLVS in voce SANCTITVDO, quem vide pag. 173. ed. quae PARIS: 1614. lucem adspexit.

i) Evoluē QVINCTIL. declam. X. pag. 147. Tom. II. opp. ed. GRONOV.

k) Illis enim hominibus, quibus
ut pudes, ut nescis, ut pudes legē
 antiquissimis iam temporibus legem datam fuisse scimus. Adde: DACERIVM ad FESTVM in voce RELIGIOSVS pag. 436. ed. quae AMSTEL. 1699. prodit, et KIRCH-

MANNVM de Funere I. III. c. XXI. pag. 319. 320. ed. FRANCOF. vbi sepulcra proprie religiosa fuisse vocata, profitetur.

l) Vide HEINECCI: egregii olim viri Antiquit. Rom. Iurisp. illustr. I. II. c. IV. et BRISSON. Antiquit. e Iure select. I. II. c. XV. p. 79. ed. nou. qui de monumentis et sepulcris eorumque, si ad sanctitatem spectes, discrimine exponit.

m) PLAVTVS in Pseud. I. IV. 19. p. 794. ed. GRONOV.

n) TERENCE. Prol. in Eunuch. v. 12, 13. p. 147. ed. SCHREV. Iam in Cyri monumento, teste ARRIANO inuenta

SEPVLCRORVM APVD ROMANOS.

5

obitum fati. prosequeretur miseria, ipsi monimentorum tituli sollemni quadam ratione vetabant. Hinc apud GRVTERVM in op. Inscript. ed. nouiss. pag. DCCCCXXII. 3.

RVPILIAE FORTVNATAE

QVI HANC ARAM SVST MAN IRAT H. o)

Sed in his copiosiores esse nolumus, cum plurimis haud ignotum sit, quam sancte Romani ipsa in sepulcris adorantes silentia, pios defunctorum manes numina doloris sui fuerint deuenerati.

§. III.

ROMANORVM SEPVLCRA EXTRA VRBEM FVISSE EXTRVCTA
IN VIIS PRAECIPVE PVBLICIS AGRIS ET HORTIS.

Quamuis apud plerosque antiquissimos populos, mortuos extra urbem fuisse terra conditos relatum legamus^{p)}; apud Romanos tamen, vt SERVIVS^{q)} docet, primis statim reipublicae efflorescentis temporibus in domo sua locum sepulturae idoneum

A 3

nancisce-

iauenta fuerunt *οἱ νεκροὶ, ἀνέκτα, οἱ ἰσότης, χρυσὸς καὶ λίθοι πολλοί.*

o) Lege simul FLEETWOOD in Sylloge Inscript. LONDINI edita T. II. p. 517. vbi inscriptionem, quanta Christianis sepulcrorum religio fuerit, testem improbam profecto adducit. Sed recte meo quidem iudicio SPONIVS: Multa epigraphia pro Christianis haberi, non quod christianum aliquod spiret; sed quod in Christianorum coemeteriis cum reliquis aliis reperiantur.

p) Id quod de Graecis CICERO probat: Ab Atheniensibus, inquit, locum intra urbem sepulturae vt darent, impetrare non potui, religione enim se impediri dicebant, et nemini id antea fuisse concessum. Hinc tria illa gymnasia, in quibus mortuos sepeliendi consuetudinem Athenienses habebant; extra urbem fuisse, scribit HERONYM. MERCVRIALIS l. de arte

gymnastica veterum I. c. VI. pag. 21. ed. AMSTELOD. Equidem antiquissimis vetustissimisque temporibus legem inter Thebanos viguisse, qua nemo domum aedificaret, quin loco sepulturae simul prospiceret, pulcre scio; quare mortuos extra urbem humo mandandi consuetudinem recentioribus praesertim saeculis mirifice placuisse, non est, quod dubitemus. Vide POTTERI celeberrimi Angli, Archaeologiam Graecam. l. IV. c. VII. p. 571. ed. LVGD. BAT. in fol. At iam apud sanctam Ebraeorum gentem, nullius mortalium cadaver licebat Hierosolymis sepelire praeter reges et gentes Dauidica et prophetas. Add. RE-LAND. in Ant. Ebr. sac. part. II. c. IX. pag. 139. ed. nou. et CVNÆVS de rep. Ebr. l. I. c. VII. p. 70. ed. nou.

q) SERVIVS ad Aeneid. l. VI. v. 152. T. II. p. 966. ed. VIRGILII BMMENESS. Apud maiores, ait, in suis domibus

nanciscebantur omnes. Verum vt nihil in hominum rebus tam egregium et constans censetur, vt non aliam induere possit faciem; ita quoque ipsa Romanorum sepulcra, ipsi sacrati morte lapides hanc communem rerum experti fuere vicissitudinem. Eandem enim in sepulcris ex vrbe in vias transferendis ac Graecos legem sibi dixisse Romanos, nemo mirari debet, qui non profus ignorat, quam lubenter veteres vrbis Romae ciues omnes fere Graecorum ritus ad quandam concinnitatem elegantiamue compositos retinuerint ac propagarint. At enim vero in vrbe sepulcra extruendi consuetudo haec sollemni quasi lege abrogata fuit, quae, vt CICERO ¹⁾) refert, hominem mortuum in vrbe sepeliri comburique prohibebat. Huius autem rei multas atque insignes adfuisse causas, quis est, qui dubitet? Siue enim ignis periculum ab vrbe amouendi auerruncandique gratia, seu quia defunctorum corpora foetore aliquando detrimentum vrbi adtulerant, proscripta veluti ex ea censent CICERO ²⁾) et ISIDORVS ³⁾) Neque defunt, qui ideo extra vrbem in viis praecipue publicis sepulcra aedificata fuisse existimant, vt scilicet ciuium animi ad propulsandam iniuriam et ad arcendos hostes muris, finibus et agris ipsa monumentorum recordatione incitarentur. Sed quemadmodum omnibus viis iisque publicis mortuorum cineres gelida in vrna requiescebant, rudes simul praetereuntium viatorum animos pia quadam demulcentes admiratione: ita tamen harum viarum Appia, Aurelia, Ostiensis, Flaminia et Tiburtina exitere celebrioribus. ⁴⁾) Ne vero vias his monumentis mortuorum perpetuae memoriae solum fuisse insignes, existimes, quandam e GRVTERI Inscript. op. antea dictis adiiciam inscriptionem, quae quidem de hortis mortuorum sepulcris conspicuis abunde testatur: ⁵⁾)

HI HORTI ITA VTI OPTIMI MAXIMIQUE
SVNT CINERIBVS SERVIANT MEIS cet.

Vide

domibus omnes sepeliebantur, vnde etiam vmbrae laruae vocamus, Vide etiam VOSSIVM in Etymol. in voce LAR.

r) CICERO de legibus l. II. c. XXIII. quo cum socia ALEX. DONATVM in Roma vetere ac recente l. c. VI. p. 15. ed. AMSTEL. et c. VIII. p. 19. ed. cit.

s) CICERO l. cit.

t) ISIDORVS l. XIV. c. II.

u) Vide DONATVM de vrbe Roma l. cit. et Inscriptiones passim apud GRVTERVM viarum sepulcris insignium mentionem facientes.

v) GRVTERVS opere Inscript. p. DCXXXVI. 12.

Vide praeter ea EUTROP. l. VII. c. XVI. MACROBIUM l. II. Saturn. c. IV. simulque et monumenta in agris et hortis ita fuisse sita, ut viam quandam spectarent publicam, et Romanorum hac in re cum Ebraeorum Graecorumque consuetudinibus obserua convenientiam.

§. IV.

DE EXTRVENDI SEPVL CRA MODO IANVIS ET ORNAMENTIS.

Antiquissima populi Romani sepulcra omni arte elegantiae destituta, si eorum indagare velis originem, caernae in terram erant defossae *) adeo, ut mireris veteres Romae ciues etiam hac in re auitate veluti frugalitatis fuisse studiosiores tenacioresue. Sed quod plerumque accidere videmus, ut hominum ingenia mansuesacta demum et exulta ad elegantiora magis nitidioraque defluant, id quoque apud Romanos euenit, quos una cum urbis incrementis ipsa defunctorum monumenta augustiora reddidisse, compertum habemus. Tantum enim abest, ut in recentiorum temporum sepulcris eorumque structura inficetum saeculi genium culpes, ut potius omnia affabre facta, lapidibus plerumque strata, nec minore cura ac arte, quam viuentium ornata aedes, lubens admireris. Scilicet ut columnas, inscriptiones, arcas, arma in illis, tanquam in facellis adfixa, urnas, loculos, lucernas atque multa alia sepulcrorum ornamenta taceam, ianvis fuere conspicua, quae vix dici potest, quantum illis splendorem elegantiamue conciliauerint. Neque est, quod multis arcessitis aliorum testimoniis rem faciam luculentiorum. Quapropter testem e multis aliis adducam ALBINOVANVM †). Hic cum dicere potuisset Agrippae obitum, mortem Octaviae sororis statim fuisse secutam, ita ianuarum

x) Hinc dicta *ἐπόγαια*, hypogaea, ut PETRONIVS habet. Vide simul Erymologici auctorem in voce. *ἡγία*. Ita enim nominabant sepulcra *παρά τῇ ἐπιχειρήσει τοῖς νεκροῖς ἔγειν*, ut THEOCRITI interpres in Pharmac.

y) Vide Eleg. ad Liuiam August. quisquis sit illius auctor, quem alii ALBINOVANVM, alii OVIDIVM fuisse, contendunt, alii incerti poetae

carmen esse, dicunt, et quidem x. 70. pag. 16. ed. ALBINOV. AMSTEL. cura CLERICI. Huic suffragatur XI. PHILINVS in Seuero:

*Καὶ τὸ τῷ Ἀλεξάνδρῳ μακροῖς ἐπιπλάσειν,
ἢ καὶ μᾶλλον ἔτι μετὰ τὸ σῶμα τῷ ἴδῳ, μέγα
τὰ ἐν ἱστοῖς γυμνασίου ἀνελίσσεται.*
Adde MARCELLIN. l. XIV. Hinc πάλαι ἄδη et κλάδι ἄδη in ipsis inueniuntur sacris paginis.

ianuarum sepulcri mentionem faciens, canendi simul amplificat materiam:

*Vix posito Agrippa tumuli bene IANVA clausa est,
Perficit officium funeris ecce soror.*

At enim vero non soli polita ac elegantia mortuorum domicilia in deliciis habebant Romani. Antiquiores illis Graeciae populi in extruendis sepulcrorum aedificiis, nimium, vt CICERO ²⁾) refert, fuere sumtuosi. Et profecto quacunque parte eorum considerabis monimenta, ibi, vt ille ait:

Τύμβον κατόψει ζῆζόν.

Adeo Graecis sollemnis illa ac perantiqua curae cordique erat formula: ΤΟΥΤΕ ΑΓΑΘΟΥΣ ΚΑΙ ΘΑΝΟΝΤΑΣ ΕΤΕΡΕΤΕΙΝ ΔΕΙ.

§. V.

VARIA CVSTODVM APVD ROMANOS GENERA RECENSENTVR.

Quanquam non temere quemquam tam alienum ab his rebus credamus, vt ne ea, quae a nobis haecenus fuere disputata, iam dudum nouerit, adeoque harum rerum expositionem omittere potuisse videamur: attamen cum has res tam arcto inter se coniunctas vinculo, vt nunquam seiungi ac diuelli possint, et amputata iam ac veluti circumcisa, quae alias rerum turbidum effecerint ordinem, reperiamus, nunc demum de custodibus sepulcrorum explicabimus. Verum enim vero sollemne veluti inter Romanos ac vulgare erat custodum vocabulum, quo non solum sanctis dominorum sepulcris libertos adfidentes, sed alios quoque quamplurimos insignire consueuerant. Scilicet liminibus ac carcerum ianuis custodes adpositos scimus, quorum hi, vt SAGITTARIVS. ³⁾) testatur, ne aditus pateret carceris, cibique inferrentur, sedulo cauebant; illi vero clauis curam gerentes domum deosque

2) CICERO de Legib. I. II. c. XXV.

3) CASP. SAGITTARIVS in libro de ianuis veterum pag. 115. ed. a. 1672. ubi hanc sententiam auctoritate PLINII hist. nat. auctoris confirmat. Adde

CHRIST. WEISII Theol. D. quem rebus humanis ereprum adhuc luger pietas, dissert. de Spiritu S. Ianitore, ad Ioann. c. X. v. 3. variis ex antiquitate observationibus illustratam.

deosque Lares ab omni, quantum quidem fieri poterat, dolo, eodem teste ^{b)}), defendere adnitebantur. In sollemnibus votis non modo de scripto praeiisse aliquem, vt HARNABAS BRISONIVS docet ^{c)}), verum etiam adhibitos adpositosque custodes et obseruatores vota nuncupantibus qui adtenderent, neminem ignorare arbitror. Equidem consueuerant inprimis veteres, si IUVENALI ^{d)}) et PAVLO MERVLAE ^{e)}) fidem habere velis, in comitiis, ac dum poculis hilare splendebat conuiuium, opera custodum vti, quin etiam ipsis, e PLAVTI ^{f)}) sententia, iuuenibus, vt nempe multo fere. issimi eorum mores emendarentur virtutibus, adlociare. Neque est, quod ex his qualibuscunque paginis illud veluti proscribamus custodum genus, quibus LIPSIVS ^{g)}) vir elegantis, dum vixit, ingenii, id monstrum, praefiscine hoc ego dixerim, commissum dicebat, cuius non Argum cum Mercurio custodiam habere posse illi videbatur. Nempe cum solitariae et veluti vmbatili vitae virgines ac feminas oculis ceteroquin venantes viros, consecrarint Romani, insigni et pulcra facie puellas gynaeceis abscondentes, factum est, vt illas, ne quid licentius vel dicere vel agere possent, custodibus, vt tum erant tempora, circumdatas ac veluti, obseptas viderent iuuenes. Inter tot ac tam diuersa custodum genera fuere quoque, qui sepulcrorum custodes vocabantur. Vt vero, quid sit id, de quo disputatur, tanto facilius possit intelligi, hos inter custodes, sepulcri nomine qui veniant, indicabimus, de horum vitae conditione et officiis deinde exposituri.

§. VI.

b) Euolu. SAGITT. de ian. ver. pag. cit.

c) Vide sis BRISONII opus de sollemnibus populi Rom. formulis l. l. c. CLXXXIII. pag. 97. ed. nou.

d) IUVENALIS Satyr. V. v. 37. ita eorum delineat officia:

Ipsae capaces
Virro tenet phialas. Tibi non committitur aurum,
Vel si quando, datur, CVSTOS adfixus
ibidem.
e)-Vide MERVLAE de comitiis Ro-

manorum commentarium, c. V. §. 5. quem libellum vna cum reliquis huius viri eiusdem generis scriptis sub ANTIQVITATVM ROM. titulo LVGD. BAT. 1686. prodidiisse nouimus.

f) PLAVTVS in Captiu. A8. III. Scen. V. v. 50. vbi GRONOVIVS in notis pag. 221. ed. suae hanc vocem per paedagogum explicat.

g) Vid. LIPSIVS in TACITI An. l. XI. c. XXXV. pag. 182. ed. PLANTIN. in fol. a. 1668.

§. VI.

CVSTODES SEPVLCRORVM QVINAM FVERINT DEFINITVR.
DISTINCTOS FVISSE A CVRATORIBVS PROBATVR. LAPIDES
DENIQUE SEPVLCRORVM CINERVMOVE VOCATOS
CVSTODES DEMONSTRATVR.

Custodum sepulcrorum varii quidem fecere mentionem, sed nisi egregie fallor, paucissimi, qualis eidem verbo subsit sententia, explicuerunt. Enim vero IULIUM FIRMICUM MATERNVM, virum sui temporis solide eruditum, si excipias, qui monumentorum custodes breuiter descripserit, inuenies prope neminem. Caue vero, existimes, hoc ea a nobis mente proferri, vt alienis hanc ob causam gloriari bonis nobisque ipsis veluti plaudere velimus; res enim, quae in hac commentatione adhibendae videbuntur, multi auctorum classicorum suppeditabunt libri, vt adeo de quadam horum hominum delineatione adornanda non multum videatur laborandum. Et IULIVS FIRMICVS ^{h)} quidem, illuc redeundum enim mihi, vnde paulum diuerteram, sepulcrorum ianitores, inquit, videntur dici, quibus illa incumbit functio, vt sepulcra aperiant cludentque. At enim vero tum demum elegans ac concinna huius viri laudari meretur descriptio, cum nullo amplius sepulcrorum custodes, quam vt inuas aperuerint, et clauerint, functos fuisse officio, probatum fuerit. Quare, ne omnia tibi permittas, adcuratius mehercule feceris, si dicas: Sepulcrorum custodes eos olim fuisse dictos, quibus ditiorum hominum et ornandi monumenta et defendendi cura permittebatur. His ita comparatis, dici non potest, quam longe a monumentorum curatoribus sint seiuncti sepulcrorum custodes. Illi enim vt GVTHERIVS ⁱ⁾ in libro de iure manium conscripto, censet, rebus administrandis praecipue praeerant, per quosdam quan-

h) Vide sis IULIUM FIRMICUM de errore prof. rel. l. III. c. XII. l. III. c. IX. l. VIII. c. XXVI. et COEL. RHODIGIN. l. A. l. XVII. c. XXI. p. 798. ed. cit. vbi ipsa FIRMICI verba repetita inuenies. SAGITTARIUS de lan. vet. p. 115. ed. adduct.

Sic vespillones, quos nostri die Tobstern-Gräber dicunt, adpellari arbitratur, quod et hi sepulcra aperiant cludentque.

i) Euolue GVTHERII de iure Manium commentarium l. II. c. XXXI. p. 351. ed. PARIS. 1615.

quandoque annos hoc munere ornati; hi contra ea in arcendis
 iis abigendisque, quibus pulchra Lauerna fallere dederat, aliisque
 quam plurimis exercendis rebus, studium atque operum colloca-
 bant. Equidem ad monumentorum curatores quod adtinet, lue-
 lenta admodum apud FABRETTVM *) extat inscriptio, quam,
 fidem cum dictis conciliet meis, adscribere in animo est:

D. M.

EIVSQUE MAESOLEI CLAVES DVAE
 PENES ALIQVEM LIBERTORVM MEORYM
 ET CVRATOREM CVIVSQUE ANNI SINT.

Quemadmodum vero a custodia cinerum ac monumenti custo-
 dum nomen multi fuere sortiti; ita quoque ipsi dicati diis mani-
 bus lapides, dum mortuorum multam ab illis arcendo iniuriam,
 tegebant, cineres, eodem nomine insigniuere populi vetustiores.
 Hinc apud FLEETWOODVM in sylloge antiqu. Inscript. T. I.
 p. 242.

D. M. S.

SVM CASTAE CINERVVM LAPIS PVELLAE
 CVSTOS ME RELEGENS PIVS VIATOR
 HVIVS COGNITA SI TIBI FVISSET VIRTVS
 LACRIMVLIS TVIS RIGARES
 EVODIAE CIPARAE
 ANN. VI

§. VII.

HVIVS MORIS ORIGO EXPONITVR. ERANT E FAMILIA LI-
 BITINARIORVM. EORVM MEDII AEVI CONDITIO.

Haftenus sepulcrorum custodes quinam fuerint, explanavi-
 mus, proximum est, vt de eorum origine et vitae condicione
 dicamus. Facillime autem e scriptorum antiquiorum libris,
 quando inclarescere coeperint monumentorum custodes, intelli-

B. 2. gatur.

*) RAPHAEL FABRETTVS Inscript. antiqu. explicat. c. V. pag. 392.
 ed. quae ROMAE 1699. in fol. prodit.

gitur. Scilicet eo tempore hoc hominum genus constitutum ac veluti ciuitate fuisse donatum, existimo, quo viae, horti agrique fere omnes, mortuorum monumentis splendide exstructis, superbire coeperunt. At iam antiquissimis ac cæcis veluti temporibus coronae, vt PLINIVS ¹⁾ docet, deorum honos erant, et insigne diis manibus ornamentum. Equidem illi sepulcrorum custodes ad vitæ si adtendere velis conditionem, Libitinario-
rum ^{m)} tribui ac familiae adscribebantur. Ex quo facile patet, quomodo de eorum origine sit pronuntiandum. Quodsi enim mos ille fuerit peruetustus, vt certum quid, DIONYSIO HALICARNASSE testē, penderetur eis τὸν θησαυρὸν τῆς Ἀφροδίτης ἐν ἄλλοις καδιδουμένῃς, ἢ προσαγορεύουσι ὑπὲρ τῶν ἀπογοινομένων atque simul Libitinarios omnia ad funera adprime necessaria curantes SERVIVS TVLLIVS iam instituerit: nemo profecto dubitabit, quin inter designatores illos, pollinctores, vespillones, sandapilarios, quos Libitinariis adnumeramus omnes, locum quoque inuenerint monumentorum custodes. His ita comparatis, quidvis esse antiquissimum largietur illud hominum genus, quandoquidem ipsi SERVIO TVLLIO efflorescente adhuc Romanorum republica regnanti, debere videtur originem. Sed et libertos eo sæpiissime munere functos fuisse, legimus. Nempe contemptum plerumque seruorum genus, dum post obitum monumenti curam se habiturum esse pollicebatur, hac ratione, vt ipsis legibus edocti scimus ⁿ⁾ libertatem pietatis veluti eliciebat præmium. Attamen quo commendatior de libertis sepulcrorum custodibus enitescat sententia, eam quorundam auctorum testimoniis confirmare ac stabilire in animo est. Et quidem de libertis monumenta custodientibus ita PETRONIVS ^{o)} disserit, vt non obscure, quantopere olim

¹⁾ Enolu. PLINIVS H. N. l. XXI. c. III. p. 682. T. II. ed. GRONOV. ibique DALECHAMPII nota, qui hunc aliquando morem a Decemviris abrogatum scribit. Adde SVETON. in NERONE c. XXXIX. p. 544. ed. GRAEV.

^{m)} Vid. KIRCHMANN. de funeral. III. c. XV. p. 391. ed. cit.

ⁿ⁾ Leg. XXXIV. D. de Manumiss. Testat. Saccus servus meus et Eurychia et Hirene ancillae meae (hinc et mulieres sepulcra custodiuisse patet) omnes sub hac conditione liberi funto, vt monumento meo alternis mensibus lucernam accendant, atque ibi sollempnia mortis peragant.

^{o)} PETRONIVS in Satyr. cap. LXXI.

olim ille mos inualuerit, prae se ferat. Eodem munere insignem fuisse libertum dixeris, cuius APPIANVS ^{p)} silentio quod praetermiserit nomen, valde RAPH. FABRETTVS ^{q)} deplorare videtur. At iis temporibus, quae medii aevi denotantur nomine, maxime mutatam inuenies horum custodum conditionem. Non enim amplius libertis illud demandabatur officium, sed, ut IULIVS FIRMICVS ^{r)} et CAROL. du FRESNE ^{s)} contendunt, pauperes, miseri aliisque vitae praesidiis destituti, quid? quod ipsi, quod mireris, serui degeneres seruandis sepulcris fuere mancipati. Erant scilicet illa tunc tempora, quibus omnis morum elegantia ac decori studium veluti exulare videbantur. Quare concinnius vrbaniusue tum temporis homines vixisse puto, cum Ephesi matrona quaedam, teste PETRONIO ^{t)}, defuncti mariti corpus custodiens, vicinarum quoque gentium feminas ad sui spectaculum euocaret.

§. VIII.

A TESTATORIBVS ANTE QBITVM DESIGNATI SEPVLCROVM CVSTODES.

Perantiqua opinio est, iam inde a vetustissimis propagata temporibus ipsorumque saniorum hominum consensu stabilita,

B 3

ta,

LXXI. pag. 354. ed. EYRMANN. 20. 1709.

p) Ita enim APPIANVS de bello ciuil. l. IV. pag. 988. T. II. ed. TOLLII, AMSTEL. *Ἐταίροι ἀποδίδουσι, ταῖσι δὲ πέντε φυλάσσουσι, τὴν διακόνειον προγραφίττα ἐφύλασσαν ἐν τῇ ταύτῃ μετὰ τῇ πατρὶ.*

q) Vid. RAPH. FABRETTVS in explicat. inscript. c. V. p. 393. ed. cit. Columellam ibidem e duobus lateribus insculptam depingi curauit, quae liberto traditam fuisse sepulcri custodiam, indicat:

CHARITO CVSTODIAE LIB

PROC. SEPVLCRI

r) IUL. FIRM. l. IV. c. I.

s) Vide sis CAR. du FRESNE Glossarium mediae et inf. Lat. in voce CVSTOS.

t) PETRONIVS c. CXL p. 511. ed. cit. Adsociaueris huic feminae insignis, si diis placet, pudicitiae exemplo, caram PROPERTIO amicam, de qua, hanc enim post mortem cinerum sibi custodem fingit, mirifice gloria-

ta, naturam scilicet ipsam de animae immortalitate tacitam iudicare, quod omnes ea, quae post mortem futura sunt, summopere curare videntur. Omnis enim antiquitas exemplis in illustri veluti loco positis gloriatur, quibus maxime ingenio viros et publicarum quoque rerum administrationi adcommodatos de funere suo quaedam mandasse posteris satis luculenter probari potest. At enim vero Cyrum iam e viuis discessum parantem, ita cum liberis fuisse locutum, commemorat XENOPHON: ^{u)} τὸ δὲ ἐμὸν σῶμα, ὦ παῖδες, ὅταν τελευτήσω μήτε ἐν χρυσῷ θῆτε, μήτε ἐν ἀργυρῷ, μήτε ἐν ἄλλῳ μηδενί, ἀλλὰ τῇ γῇ ὡς τὰ χεῖρα ἀπέδωκε. Τί γάρ τῃς μακαριώτερον, τῇ γῇ μὴ θῆαι, ἢ πάντα μὲν τὰ καλὰ, πάντα δὲ ἀγαθὰ φύει τε καὶ τρέφει; ἐγὼ μὲν καὶ ἄλλως φιλανθρώπων ἐγενέμην καὶ νῦν ἡδέως ἀν μὲν δεκά κεινέσθαι τῇ ἐνεργεσίῃ τοις ἀνθρώποις. Quodsi Romanorum hac in re mente consuetudinem repetas, multos in his metu mortalitatis veluti festinantes de rebus post mortem futuris, anxie sollicitos reperiēs. Et quidem ipse Romanorum imperator Caesar Octavianus Augustus mandata de funere suo vno, vt SVETONIUS ^{v)} refert, libro complectebatur. His ita constitutis, facillime est cognitu, inter alia, quae ante obitum de funere monebant testatores, sepulcrorum custodum factam quoque fuisse mentionem. Huic rei fidem conciliaturus perantiqua lapidibus incisā ac meam sententiam egregie confirmantia verba adducam. Nempe haec sunt:

L. VAL FRONTO MILIT IN LEGE XXX. EMIT
IN HOC PRAEDIVM ET IN HAC AREA FECIT
SIBI VBI PONERETVR ET IPOPH M L
CVSTODIBVS FVTVRIS QVOD EX IIS NATV
M FVERIT. ^{x)}

Practe-

gloriatur l. III. El. XV. pag. 537. ed. GRAEV.

u) Vid. XENOPHON. in Cyropaed. l. VIII. c. VII. p. 238. opp. ed. LVET. PAR. apud STEPHAN. Hinc l. Caesar, hoc cum legisset, adspersus tam lentum mortis genus subitam sibi celerem-

que opravit, vt SVETONIUS in eius vita cap. LXXXVII. testatur.

v) SVETONIUS in Aug. c. CI. p. 294. ed. cit. et, DIO CASSIUS: Εὐγένειον δὲ ὃ μὲν τῷ πρῶτῳ ὅσα τῆς πατρὸς εἶχετο.

x) Vid. GRUYTERI Inscript. opus p. MCX. 3.

Praeterea, testevtor KIRCHMANNO ^{y)} libertis legata relinquebant testatores ea videlicet conditione, ne a monumentis recederent. At enim vero cum leges ab hac non abhorreant sententia, opus non est, ut plura cam illustrandi causa proferamus ^{z)}).

§. IX.

NOBILIORVM AC DITIORVM TANTVM SEPVLCRIS
ADPONEBANTVR CVSTODES.

Iam demum ad pauperum; quae nulla arte polita videmus sepulcra, adgredimur, et ut instituti nobis constet ratio; quorumnam monumentis additi fuerint custodes, explicamus. Pulcre enim videmus, quam inconueniens in tanta paupertate viuentibus, ut qui efferrentur, vix reliquerint, monumenti fuerit custodia. Nam quod legato, tabernis ad sepulcra exstructis aliisque rebus in constituendis monumentorum custodiis opus erat, credi vix potest, proletariorum sepulcra hominum inter Romanos custodum quodam veluti grege obseptae ac circumstipata fuisse. Sane mos columnas in sepulcris ponendi, si COELIVM RHODIGINVM ^{a)} audias, nemini, nisi diuiti ac nobiliorum adscripto familiis erat concessus. Tantum profecto aberat, ut pauperum tenuiorumque hominum sepulcris, ne quidem columna dignis custodes adiungerent, ut potius violationi veluti exposita, parcam eorum curam habendam censerent. Quapropter lubens veteri ad HORATIVVM commentatori adfentior, qui, RAMIRESIO ^{b)} teste, cum HORATIVVS ad Canidiam scribat: ^{c)}

Nec

. y) KIRCHMANN de F. R. I. III. c. XXII. p. 325. ed. cit.

. z) Leg. XVIII. D. de Aliment. et Cib. Leg. et Leg. LXXI. D. de Condit. et Dem. et denique Leg. XLIV. D. de Manumiss. Testator.

a) Vid. COELIVS RHODIGINVS A. L. I. XVII. c. XX. p. 794. ed. cit. Columnarum ratio, inquit,

PLINIVS, supra ceteros mortales.

b) RAMIRESIVS in Pentecontarcho c. XVII. p. 115. obseru. selest. in varia N. T. loca HAMBVRG. 1712. a FABRICIO collect. Adde PETRONII Sarye. c. LXXI. vna cum nota VERMANNI. Fastum hinc ille liberti elucere putat.

c) HORATIVVS Epod. lib. Od.

*Nec in sepulcris pauperum prudens anus
Nouēmdiales dissipare pulueres.*

monimenta huius census hominum parum curasse custodes, adfirmat. Quis enim, obsecro, nono statim post mortem die defunctorum cineres dispergere ac dissipare sustinuisset, si sepulcrorum iis adsederint custodes, qui tamen monumentorum religione nihil sibi antiquius ac sanctius ducere consueuerant. Quare si quid in his rebus video, solide in Aduersariis scripsit BARTHIVS^d). Legato aliquo diuites ac nobiliores cauebant, vt essent, qui ad sepulcra viuerent.

§. X.

eorum OFFICIA RECENSENTVR.

His itaque rite praemissis, de officiis horum custodum curatius exponendum est. Scilicet in eo laborabant sepulcro-
rum custodes, vt annuam mortuorum renouantes memoriam,
monimenta vngerent et coronarent, deinde forium aperien-
darum claudendarumque simul curam gerendo, lucernam ac-
cenderent, et denique a furibus et omni violatione defendere
tumulum, indefessa cura ac studio, adniterentur. Enim vero
sollemne antiquissimis erat populis, redeunte post annum
mortis die, celebrare et ab interitu vindicare mortuorum me-
moriā. Et quamuis multis iisque superstitionis illud caerimo-
niis, crescente sensim luxu populi peregerint antiquiores;
tamen apud Graecos^e) pariter ac Romanos coronandi moni-
menta

XVII. p. 234. ed. quae VENETIIS
e) PAVLI MANVT. Offic. cum
LAMBINI comment. prodit, quem
si vis, euolue.

d) BARTHIVS Aduers. lib. X.
c. I. p. 461. ed. WECHEL.

e) Omnium accuratissime vngen-
di monimenta et coronandi ritus, quo
annuam renouabant Graeci defun-

ctorum memoriam, meminit ANA-
CREON Od. IV.

Τίς δὲ τίς λίθον μνηστῆρα;

Τίς δὲ γῆ χρίει μάταια;

Ἐμὲ μάλλον, ὡς ὅτι ζῶ.

Μύριον, πόδους δὲ πρῆτα

Πύκνον.

menta et vngendi ritus ante alios veluti adscitus videtur. At vix operae facturus essem pretium, si rem iam saepius decantatam adcuratius delinearem. Hoc saltem dicam, custodum sepulcrorum in peragendis eiusmodi caerimoniis praecipue se exercuisse industriam. Vnde simul patet, cur et ipsae leges ^{f)} custodes ad sarcophagum memoriam quotannis celebrare iusserint, et PROPERTIVS ^{g)} felicitis olim ingenii poeta, huius rei fecerit mentionem. Ait enim :

Adferet hac vnguenta mihi fertisque sepulcrum

Ornabit, custos ad mea busta sedens.

His autem, GVTHERIO ^{h)} teste, fores in sepulcris aperiendi claudendique cura accedebat, qua videlicet tantopere tenebantur sepulcrorum custodes, ut Ianitorum inde nomen, FIRMICO ⁱ⁾ id docente, fortirentur. Neque his peractis eorum munus omnibus numeris absolutum censebatur, adeo multa erant, quibus

Vbi ANNA PARRA in notis ad l. l. pag. 14. C'etoit la coutume de verser des huiles et des essences, non seulement sur les morts, mais sur leurs tombeaux et sur les colonnes, ou les statues que l'on mettoit dessus. Adde sis XENOPHONTEM in Mem. Socr. l. III. pag. 87. ed. WELS. vbi γούρι τελευτῶντων τὰς τάφους καὶ νομῶν scelus fuisse visum magistratui probat. Neque his rebus reipublicae Christianae ciues, recentioribus praefertim temporibus diem dixerunt, licet magno eos eruditionis adparatu defendere adlaboret IOSEPHVS BINGHAM. Anglus egregius Originum vol. X. l. XXIII. c. III. §.

XX. p. 67. edit. GRISCHOV. Lege simul CELLARIUM notam ad MINVC. FEL. Octauium c. VI. pag. 38. ed. CELLAR.

f) Leg. XVIII. D. §. 5. de Aliment. et Cib. Leg. ex qua simul cognoscere est, filiis defunctorum ac filiabus hoc munus saepe fuisse traditum.

g) PROPERTIVS l. c.

h) Vid. GVTHER. de iure manum lib. III. cap. XXXI. pag. 352. ed. cit.

i) IVL. FIRMIC. lib. III. cap. XII.

quibus opera a sepulcrorum ianitoribus erat impendenda. Nam lucernas siue quia monumentorum splendorem facere augustiores, seu quod defunctorum sepulcra frequentantibus gratæ fore credebantur, in iis adfixas nouimus, quæ tanti fuere quibusdam visæ, vt tutius existimauerint, sollempni veluti lege ^{k)} earum curam demandare custodibus, quam quidquid demum de iis visum fuerit, aliorum tribuere iudicio. Denique in eo sibi operam esse ponendam, intelligebant custodes, ne scilicet ad monimenta fures, vel qui violare mortuorum domicilia vellent, adgrederentur. Quod vero quibusdam, quæ hic referri possent, functi non fuerint muneribus, eo minus mirandum, quo certius constat, ipsos sepulcrorum curatores inter multa alia monimenti instaurandi curam sibi traditam ac impositam habuisse ^{l)}.

§. XI.

VBINAM HABITAVERINT SEPVLCRORVM CVSTODES
EXPONITVR.

Ceterum vt ad hoc quoque veniamus de locis, in quibus stenebant sepulcrorum custodes, breuiter dicemus. Id quod nos non rectius executuros speramus, quam si partim in tabernis sepulcro adstructis, partim in ciuitate, quæ non longe a sepulcris aberat, domicilium habuisse custodes, profiteamur. Enimuero cum extra urbem in viis præcipue, agris et hortis Romanorum sita essent sepulcra, accidit, vt præter coenacula ac diaetas, tabernæ quoque et aedificia aliquot, defendendi monimenti causa, a custodibus habitata, ad ipsas mortuorum aedes extruerentur. De quo Romanorum ritu satis luculenter exponunt antiqua apud RAPH. FABRETTVM marmora ^{m)}:

T. FLA-

k) Leg. III. D. de Manumiss. Test.

m) Vid. FABRETTVS I. c. addo

l) GUTHERIVS I. c. quod in aedibus sacris aedituum, id in sepulcris custodes prestasse, adfirmat.

BVRMANNI notam ad PETAONIIS Satyr. c. LXXI.

T. FLAVIVS AVG. LIB. ALEXANDER FECIT
 SIBI ET T FLAVIO EPAGATHO ET IVLIAE
 COETONIDI VXORI BENE MERENTI
 LIBERTIS LIBERTABVSQVE POSTERISQ
 EORVM HVIC MONVMENTO CEDIT
 CVSTODIAE CAVSA QVAE IVNCTA TABERNA
 CVM AEDIFICIO ET HORTO cet.

D M

MINDIA TYCHE FECIT SIBI ET SVIS
 ET LIBERTIS LIBERTABVSQVE POSTERISQ
 EORVM CVM AEDIFICIO ET TABERNA
 CVSTODIAE TVTELAEVE CAVSA.

Referendum etiam huc est sollemne illud quarundam legum institutum, quae non modo liberos ac custodes, ubi corpus positum fuerit, morari iussere; sed tam arctis etiam horum hominum libertatem circumscripserunt limitibus, ut ne a monumento quidem recedendi facultatem illis permiserint. At non defuerunt viri iuris periti, plus illis formularum tantum cantoribus sapientes, quorum ea menti, cui ego aduersari nollem, insedit opinio: ita legis verba esse explicanda, ut non certo cuidam loco liberos ac sepulcrorum custodes veluti mancipare sed potius insignem tantum quandam monumentorum curam illis iniungere videantur. His ita constitutis dubium non est, quin in oppidis prope sepulcra sitis interdum morati fuerint monumentorum ianitores, qui tamen ad sepulcra visenda forte plus una per annum vice vrbe egrediebantur. At pluribus verbis opus non esse videtur. En ipsam legem: *Tuo centum relicta sunt, ita ut a monumento meo non recedat, seu ut in illa ciuitate domicilium habeat.*

§. XII.

MARCI ANTONINI PHILOSOPHI VERBA L. VIII

§. 37. EXPENDVNTVR.

Quod nonnullos diligentius obseruare noui, ut quoties veterum auctorum verba a gentis cuiusdam more, quem sibi explicandum

dum sumferant, non prorsus abhorrentia viderint, praesidium inde suae se inuenisse sententiae glorientur; id quoque in eo, de quo nunc disseruimus, sepulcra custodibus muniendi ritu euenit, quem multos antiquorum libros luculenter depinxisse, sagacioris alioquin ingenii viri parum adcurate existimarunt. Etenim in eo alucinatus fuit, quem e multis aliis adducam, BARTHIVS, dum sepulcro cognatorum, aut amicorum adfidendi consuetudinem falso ad monimenti custodiam retulit. At licet quaedam sint, in quibus non adeo hos ritus inter se differre intelligimus; multum tamen abest, ut re curatius ponderata vnum eundemque olim morem fuisse, probabilitatis quadam specie euinci possit. Equidem ad fidem dictis meis conciliandam ipsis M. ANTONINI PH. verbis a BARTHIOⁿ) ad confirmandam suam sententiam adductis, opus esse, pulcre video. Ita vero scribit egregius vitae morumque censor ANTONINVS^o):

Μῆτε νῦν παρεκάθηται τῇ τῷ κυρίῳ, aut ut GATACKERVS emendat, Κύριε πατρῷ, Πάνθεια ἢ Πέργαμος; τί δὲ τῷ Ἀδριανῷ Χανρίας, ἢ Διότιμος; γελοῖον. Τί δὲ εἰ παρεκάθητο, ἐμελλον αἰσθάνεσθαι; τί δὲ εἰ ἡσθάνοντε, ἐμελλον ὅτοι αἰσθάνονται εἶναι; At quis est, qui in illis custodum sepulcrorum factam fuisse mentionem suspicetur? Enim vero si dicendum quod res est, illud egisse ANTONINVM arbitror, ut eos suavi risu dignos profiteatur homines, qui, dummodo suorum sepulcra frequentantes iis adfederint, se diis Manibus rem perquam gratam fecisse existimarunt. De quo eo minus dubitari potest, quo certius constat, ad studium et amorem defunctis testandum apud plerosque populos sepulcris suorum adfidere cognatos superstitibus consueuisse. Sane de Graecis in Archaeologia id probat POTTERVS^p), quos Romanos hac in re imitatos sectatosque fuisse, probe norunt harum rerum intelligentiores. At plures ritus illius, defunctorum scilicet adfidendi monumentis, meminere. Inde enim illud HERMOGENIS^q): εἰ δακρυεῖς, ἐκ ἂν ἐφράντις, εἰ πα-

ροκα-

n) Vid. BARTHIVS in not. ad PETRONII Sat. c. CXI. ed. BURMANNI insertis.

o) M. ANTONINVS PHIL. l. de rebus suis VIII. §. 37. p. 251. ed. GATACKERI TRAI. ad RHEN. 1697. quam sua iterum politam industria

edidit, singulare patriae meae ornametum V.S.R. CHRISTOPH. WOLLIVS.

p) Euolu. 10. POTTERI Archaeol. Graec. l. IV. c. VIII. p. 580. ed. cit.

q) HERMOGENES de Inuent. l. III. c. IX. Adde CTESIAM in Persicis, quem edit. HERODOTI GRONO-

καταδείξει τῶ τάφῳ, ἐκ. κ. τ. λ. Neque est, quod aliter interpreta-
ri velimus AESCHYLI verba a GATACKERO in notis ad hunc lo-
cum adducta:

ἐφημέν

Τάφῳ, τέκνοις ἔποζε τοῖς τεθνηκόσιν.

Hinc sane probabile non fit, sollemnem custodes sepulcris adiungen-
di consuetudinem, censoria, vt BARTHIVS autumat, virgula veluti no-
tasse ANTONINVM. Ceterum varia fuere custodum officia, quos si se-
pulcris tantum adfedis, compertum haberemus, fruges potius, vt
ille ait, consumere natos, quam seruilibus homines laboribus adfue-
factos, profiteremur.

§. XIII.

DE CVSTODIBVS SEPVLCRORVM APVD GRAECOS ET DE SER-
VATORIS O. M. SEPVLCRO CVSTODIBVS MVNITO DISSERTA-
TVR. MONIMENTORVM CVSTODES INTER CHRISTIANOS
QVINAM FVERINT EXPONITVR.

Praeter Romanos nemo dubitauerit, sepulcri custodiae studio-
sos Graeciae quoque populum fuisse, quum sepulcra et monumenta
splendidius structa habere in deliciis nihilque magis cauere consu-
uerit, quam ne in mortuorum aedes politas satis et elegantes, tem-
porum lucifugorumque hominum saeuiret iniuria. Sane sepulcro-
rum custodiam non plane amandasse Graeciae incolae, PETRONIVS ¹⁾
memoriae prodidit, qui dum in enarranda lepida quadam fabula ver-
satur: in conditorium, inquit, profecuta est defunctum mulier, posi-
tumque in hypogaeo Graeco more corpus custodire coepit. At non
modo Graecos, sed etiam Iudaeorum gentem hac delectatam con-
suetudine dices, apud quos scilicet sacrae litterae seruatoris O. M.
sepulcrum sollemni quadam cinctum fuisse custodia, declarant. Quod
vt de cohorte hoc tempore ad omnes, GROTIUS ²⁾ teste, arcendos

C 3

abigen-

GRONOVIANAE adiunctum nouimus
v. 645. ed. HEROD. vbi ait: 'Ο Βασιλέ-
της το ὄμμα Δαρεικ παρακαθίστης ἐν τῷ
ἐπιλήνῳ.

1) Vid. PETRONII Sat. c. CXI. et VE-
BO EMMIVS in lib. de rebusp. Graeco-
rum, qui 1632. apud ELZEVI. prodit.

2) HVG. GROTIVS in notis
succin-

abigendosque tumultus data, verissimum est: ita inde frustra collegeris, fuisse inter Iudaeos sepulcrorum custodes, quibus ornandi monumentum ac defendendi labor datus fuerit. Verum vt a Iudaeis quoque discedamus, alia in sancta Christianorum ciuitate monumentorum custodum erat ratio. Quamuis enim eodem si BINGHAMVM *) audias, quo Romanorum ianitores insigniti fuerint nomine; tamen inter omnes constat, non mortuorum domicilia huius census custodiuisse homines, sed potius loca, piaee seruatoris optimi olim dicata memoriae, rite quo defenderent, omni industria ac studio adlaborasse.

Et haec quidem de sepulcris eorumque custodibus sufficiant. Pauca sunt, de quibus dixi. Quoties enim ad legentium fastidium seueriorumque hominum delicias respicio, pulcre dixisse non neminem, arbitror: *Commendationem etiam ex ipsa libri breuitate peti debere*

COMMENTATIO EXPLICIT.

fuccinctis ad Matthaei c. XXVII v. 65. T. II. p. III. ed. LONDIN. et PFEIFFERVS in operib. philol. T. I. p. 383. ed. AMSTEL.

*) Vide sis IOSEPH. BINGHAM

Origines vol. II. l. III. c. XXIII. §. II. p. 72. ed. cit. et CAR. du FRESNE Gloss. in voce CVSTOS. Talia loca olim sancte custodita fuere Bethlehem, Golgatha, mons olearum et ipsum denique Christi sepulcrum.

